

四庫全書

史部

欽定四庫全書

史部

硃批諭旨卷二百十五之三

詳校官尚書臣德保

編修臣裴謙覆勘

總校官中書臣朱鈐

校對官助教臣蔡鎮

謄錄監生臣胡永齡

欽定四庫全書

硃批諭旨卷二百十五之三

硃批鄂彌達奏摺

雍正十一年三月十二日廣東總督臣鄂彌達廣

東巡撫臣楊永斌謹

奏為

奏明事竊查雍正五年以前粵東沿海地方疊遭水
患無籍貧民頗多移往廣西四川二省及渡海至

閩省臺灣謀生者而惠潮二府遷民更衆數載以
來伊等各在彼地生聚力作其攜貲仍回本籍者
固不乏人而暫回復去及搬眷同往者亦多計其
來往之期俱在冬春二季上年十二月內據各州
縣稟稱現有向年前往川省及西省民人茲回原
籍搬眷或迎父母以承歡或挈子婦以偕往或前
有聘定之妻茲完娶同去者應否准其搬移等因
前來臣等再三斟酌彼於數年以前既皆離別父

母妻子前往彼地謀生置有產業若槩行禁止不准搬移則彼等兩地牽連室家不能團聚轉致失所伏念彼此皆係

皇上疆土在彼在此俱為

皇上任土作貢之民臣等公同諭令各州縣查明彼等實在四川粵西兩省置有產業歸接父母妻子而本籍生計維艱不如彼地者准其挈眷同去不必阻撓更出示曉諭土著居民原無親人在彼者不

得信其引誘輕棄故鄉仍恐愚民誤信傳聞私自
偕往復遣委幹員查察其有彼地並無產業偶因
誤信傳言輕去其鄉者即動支公項資給護送新
設之鶴山縣及恩平開平等處墾荒給以牛具籽
種並給房屋居住為業總期居者行者兩得其所
以仰副我

皇上懷保之盛心所有料理事宜理合繕摺

奏明謹

奏

為此前經降旨嚴飭諒汝等尚未接到覽所奏大有回

護掩飾形景

廣東總督

臣

鄂彌達謹

奏為奏

聞事竊照上年粵省早晚兩稻收成豐稔通省會計約
有九分以上業經

臣

先後繕摺奏

聞迨至冬日雨水缺少河道乾淺廣肇惠潮四府米價

遂稍昂貴有至一兩四五錢者

臣仰體

皇上子惠元元至意會同撫臣飛飭開倉減價平糶又
出示曉諭令有穀之家各出助糶分別獎賞富民
亦俱鼓舞米價遂得漸平入春以來甘霖屢降二
麥豐登河道流通西穀源源運到現在米價自六
七錢以至一兩二錢百姓俱皆安堵樂業

臣巡歷

四郊插蒔秧苗甚是茂盛將來早稻仰賴

皇上福庇可期豐收忍厯

聖懷理合繕摺奏

聞謹

奏

覽奏自入春以來甘霖屢降二麥豐登米價平減朕懷
深為慰悅

雍正十一年五月初十日廣東總督臣鄂彌達廣

東巡撫臣楊永斌謹

奏為

奏覆事雍正十一年五月初一日內閣交出奉

上諭朕聞有廣東民人攜老挈幼前至湖南地方每日或二三百或四五百名口不等問其緣由云係惠州府人因彼處連被風潮傷損田廬禾稼上年秋間尤甚米價三錢一斗貧民難以資生是以前往四川覓食傭工種地等語此有人在湖南地方目睹情形奏聞於朕者諒非虛假鄂彌達楊永斌身為地方督撫將惠州歉收艱食之處竟不奏聞亦並不籌畫安插

撫綏之法一任百姓盈千累萬轉徙異方深負朕之
委任爾可傳旨密行嚴飭其現在未曾出境之窮民
可作速商量賑恤俾不至於失所其已經出境者有
無招徠回籍之善策亦著悉心計議但不可勉強從
事勒令撤回俾窮民更受苦累朕若再經訪聞必加
嚴處欽此遵

旨寄信前來

臣

等跪讀之下不勝悚惶伏念我

皇上軫念邊海窮民不忍一夫失所

臣

等身任封疆所

司民事敢不悉心辦理竊查粵東雍正五年以前
疊遭水患無藉貧民頗多移往廣西四川二省及
渡海至閩省臺灣謀生數載以來伊等各在彼地
生聚力作歷年皆有回籍搬眷之人而上年冬間
比往年較衆據各州縣稟報應否准其搬移前來
臣等公同斟酌謹仰體

皇上保民如赤使民各遂願欲之盛心諭令各屬確查
實在四川粵西兩省置有產業歸接父母妻子完

娶而本籍生計不如彼地者准其同住不必阻撓
更出示曉諭土著居民原無親人在彼者不得信
其引誘輕棄故鄉復委惠州府知府吳簡民等攜
帶公費銀兩於入川總路稽查又委布政司經歷
趙弘文等亦帶公費銀兩於入粵西要路一例稽
查分別放行招回業於本年三月十二日將料理
事宜繕摺奏

聞續恐貧民尚有不由要路別趨小徑偷越者又委長

樂縣典史郭啟潤等俱攜帶公費銀兩前往湖南以及川省西省一帶地方沿途查察如有仍願回籍者即給以路費送回鶴山給以籽本墾耕續據西省招回民人二百八十三名口湖南招回民人一百零八名口俱經分發恩平開平鶴山三縣墾荒之處安插現在俱各樂業安居其西省現有親屬願留本地耕種者已經委員前往查明俱各得所至入川各民未知在彼是否安業亦經委員前

往查察又將各戶繕造冊籍咨明川省撫臣行查
因川省距粵甚遠尚未准有咨覆是以招回各情
由未經續

奏再查粵省上年雖閏五月七月兩次颶風實無損
於禾稼業經臣等分別兵民竈丁動撥公項按名
賑給俱各得所且查往川及往西省者皆係惠州
之興寧長樂龍川和平永安及潮州之程鄉羅定
州之西寧七縣民人各該縣俱係山邑並未稍被

風潮上年收成俱有八分以上即惠州所屬上年
秋間惟長樂米價最貴然每米一石價亦不過一
兩一錢臣等散賑開倉數日之內旋即平減竝無
三錢一斗之說伏念我

皇上惠鮮懷保一夫不獲皆厯

聖懷偶報災眚隨加賑貸此天下臣民所共知者臣等
才薄任重時切戰兢惟有仰體

皇上勤恤民依之至意時時悉心體察於地方大小事

務俱早夜商酌其關係稍輕臣等知識可以辦理者即料理妥協一面奏

聞其有關係重大則一面料理即據實奏

聞何敢隱諱不言此案止因川省尚未覆回是以尚未續

奏遲延之罪實所難寬緣奉

旨嚴飭事宜理合據實

奏覆伏乞

皇上睿鑒_臣等謹合詞繕摺具

奏

覽覆奏各情節究未免有粉飾痕跡

廣東總督_臣

鄂彌達謹

奏為水師人才難得據情奏

聞仰邀

睿鑒事據原任碣石鎮標左營遊擊許元原任惠來營

守備李威呈稱為累誤事有可原犬馬報

主情切恭懇代

題俾得及時效力以贖前愆事竊元等生長閩疆熟識水性恭蒙

聖恩拔擢待罪粵東其居官之勤惰被叅之原委諒已久在洞照之中無庸復辨竊查閩省督部院於上年秋冬之間檢選因公呈誤弁員咨送天津水師效力元等以尚在粵東未得與選伏思閩粵皆屬一體兩省大憲皆可為

國用人元等年力精壯水師船務自幼素嫻冒昧公
懇

題請俾得及時效力稍竭驚駭仰酬

聖恩於萬一則元等感激無既矣等因到臣據此該臣

查得原任碭石鎮左營遊擊許元因雍正九年六
月十三日該汎海面有閩省徐萬發商船被風打
沉許元督兵救活六十餘人又雇船撈獲客貨給
主料理尚屬盡心因偶有一二兵民於沙中檢得

零星貨物該鎮蘇明良稟報以為許元約束不嚴
許元一時浮躁急欲赴省辯冤該鎮隨以擅離汛
守咨叅革職至原任惠來營守備李盛雍正八年
以該備熟諳水務

題調虎門協右營守備尚未到任因雍正八年十二
月內惠來縣拏獲土惡黃高飛經過該備駐防之
隆江汛前任提臣王紹緒因該備致送高飛酒飯
以為必與高飛有交好私情咨叅革職查黃高飛

一方巨梟被獲之後自知難免兩日不食欲圖自盡李盛與該縣密商安慰給高飛等酒飯令其飲食無非欲得活犯解到上司審明正法竝無他故

臣向經訪聞復細詢惠來縣知縣張昭美據云致送酒飯一事原係弁令相商共知共見其實李盛竝未與高飛有交好私情查二員居官聲名俱好又皆年力精壯而以一省廢棄終身甚屬可惜今據二員具呈前來臣未便越例具

題伏念我

皇上愛惜人材微長必錄應否給咨赴部聽候揀選之

處臣未敢擅便謹繕摺奏

聞伏乞

皇上批示遵行為此謹

奏

許元李盛二員給咨送部引見可也

同日又

奏為謹籌便益貧民買食之法仰冀

睿鑒事竊查米價騰貴皆由囤戶居奇彼等開張米鋪
惟利是圖往往捏作謠言增長米價或云風為旱
兆或云雨係水徵一日之間頻增價值一店長價
諸店皆然名曰齊行莫敢異議富民家有蓄積任
其高擡於已無損惟手藝貧民終日拮据不供口
食蓋肩挑負販為人傭工一日所得無幾即遇官
府有平糶倉穀不過一升半升日糶日食而已無

力多買又不能戶戶有碾米之具且以終日碌碌
竝無餘暇故寧貴價向米舖糴米非不知官賣穀
石價賤不得已也若欲惠此貧民無如官開米局
臣生長京師目擊八旗自

皇上降旨設立米局以來歷年米價皆未昂貴總由米
局價平故國戶不能射利法良意美實可通行伏
念粵東省會之區貧民待哺尤衆姦民乘機射利
往往高價病民臣擬於粵東省城設立米局三處

南門設一米局動廣州府倉穀以該府倉大使管
理東門設一米局動番禺縣倉穀以該縣典史管
理西門設一米局動南海縣倉穀以該縣移駐之
縣丞管理各局將日逐糶賣數目每日摺報該管
府縣稽查該府縣十日一報司道存案仍令糧驛
道不時查察其米價則額定倉斗一兩一石永成
定例無減無增倘市價減至一兩以內仍聽民向
各店買食市價稍昂即照定價一兩糶賣其赴局

零買者用銀用錢聽隨民便仍不許買至一斗以外致啟販賣之端賣出價銀則令隨便赴穀賤地方採買源源轉運夫價有定額則胥吏無所容私局既常開則困戶無能專利一切肩挑負販傭工覓食之人三五零錢取攜皆便矣至各府郡城即將府倉穀石碾米開局比照省局之例仍責令該管道員稽查似亦可以一體通行臣為窮民艱於零買稻穀起見是否有當伏乞

皇上訓示遵行謹

奏

平糶不過暫濟一時設局即堪行之永久此奏殊屬可
嘉

雍正十一年七月初一日廣東總督臣鄂彌達廣

東巡撫臣楊永斌謹

奏為徭人情性迥殊因俗權宜立法據實

奏明仰懇

睿鑒事竊查五刑之設笞杖為輕駢斬極重人雖窮死
極惡言及斬決無不寒心獨徭人則畏鞭朴不畏
斬殺習俗相沿以為斬首不失為好漢若一受鞭
朴則不可以對其祖宗粵東各山徭性俱係如此
臣等初聞此言疑為荒誕及細加訪察始知此語
非誣若欲懾其邪心莫如惕以所畏查雍正十年
十二月內據韶州府乳源縣申報該縣十二月初
八夜大布村民黃宗玉家被刦傷死事主之兄黃

宗和一案陸續緝獲盜犯皆係強人據該縣府司
道起獲正賊歷審明確律擬招解前來查本案盜
夥八人趙雲秀為首起意趙雲武刀斫事主致命
三傷盤端賤銃殺事主律應斬決均為法所難宥
趙端滿趙友官同行分贓亦應斬決但未下手傷
人情尚可原趙大端趙雲偉被誘入夥趙端倫年
未及歲同行而未上盜止於途中偷宰牛隻應照
偷牛例另結臣等細加覆審亦無異詞現在酌核

具

題理應循例候

旨正法但徭人畏鞭責而甘斬決是必惕以所畏然後
不敢為非臣等會同司道再三斟酌查趙雲秀趙
雲武盤端賤三犯強刦殺人原無可寬擬將此三
犯發回該縣令廣南韶連道會同韶州府知府乳
源縣知縣將三犯帶至大布村中傳集徭甲徭目
徭衆立斃杖下以儆衆徭其趙端滿等雖律應斬

決尚可寬減仍候部覆發落實因徭性迥殊欲得民安盜息不得不因地制宜理合據實奏

聞再查徭人住居俱係密菁深山從不往來城市以故

聲教不通雖經臣等設立徭甲徭目然無專員料

理亦未妥協經臣等酌議將韶州通判

題請改為理徭通判專司化誨稽查倘蒙

俞允將來自可聲教漸通矣粵東士習民風近來頗知

慕義惟徭人尚須整理臣等負任地方自應料理

妥協是否有當伏乞

皇上睿鑒施行

臣

等謹會同繕摺具

奏

杖斃與斬決同一正法也既無減口銷案情弊何為不可卿等酌量合宜辦理仍照例具疏題奏

廣東總督

臣

鄂彌達謹

奏為恭報粵東早稻收成分數仰祈

睿鑒事竊惟粵東山海奧區所種田禾收成兩次必得

雨暘時若百穀始獲豐登今春播種之時雨水俱
皆優渥早稻業已登場茲據布政使甘汝來將各
屬早稻收成分數彙報前來臣查廣州府屬清遠

花縣從化收成約九分順德香山三水增城皆八
分以上收成番禺新安新寧東莞龍門收成約八
分南海新會皆七分以上收成南雄府屬保昌始
興二縣雖四月蛟水稍漲核計猶有八分收成韶
州府屬曲江仁化等六縣收成皆八分上下惠州

府屬歸善連平等十二州縣皆八分以上收成潮州府屬海陽潮陽饒平普寧澄海鎮平六縣收成皆九分以上揭陽程鄉二縣收成俱約九分惠來大埔平遠皆八分以上收成肇慶府屬高要陽春恩平四會鶴山五縣收成皆九分開平開建收成八分以上高明德慶廣寧陽江封川皆八分收成新興一縣計七分以上收成高州府屬茂名電白等六州縣收成皆九分上下雷州府屬海康遂溪

徐聞三縣俱八分收成廉州府屬合浦欽州靈山
三州縣收成皆八分以上瓊州府屬澄邁文昌感
恩崖州樂會五州縣俱八分以上收成會同萬州
儋州臨高昌化定安陵水七州縣收成俱七分瓊
山一縣約有六分收成羅定州屬東安西寧三州
縣收成俱九分連州所屬除連山係一年一熟向
無早禾無憑開報外該州及陽山二州縣俱九分
以上收成至各屬米價每石自六錢起以及一兩

不等今新米上市價值日平此皆由我

皇上敬

天勤民精誠感格是以邊海蒼生咸蒙樂利臣不勝踴躍

懼忭之至理合繕摺奏

聞謹

奏

覽粵東早稻收成分數曷勝欣慰皆緣卿等忠誠任事

有以感召

天和所致朕為濱海窮黎實深慶幸

同日又

奏為遵

旨奏覆事雍正十一年五月初十日據潮州鎮總兵官
范毓猗寄到請令營兵照伊河北鎮任內各於本
藝之外兼習長鎗短棍連接棍等項一摺奉

硃批與督提商酌再定欽此臣等謹會同悉心商酌伏
查兵丁習用器械務須因地制宜始於營伍有益

粵東山海交錯陸路則峻嶒崇山林箐邃密水師則內河外海港汊多歧與中州山陝諸省地勢平行者不同兵丁執用器械惟鳥鎗最為便利其次則弓箭藤牌挑刀大礮等項先經前任督臣郝玉麟題准陸路每兵一千設鳥鎗手五百名水師每兵一千設鳥鎗手六百名其餘弓箭藤牌挑刀大礮等項均勻酌配而礮手兵丁又令兼習扁刀以脩應用此誠因地制宜有益軍務現今各營兵丁

俱皆遵照設立該管將弁若能訓練精熟無論水陸遠近儘可臂指相資至范毓裔所稱長鎗連接棍等項止可用於平原曠野與粵地不甚相宜又況兵丁技藝專則易精多則難熟本藝按期操演尚難望其嫻熟再令兼習別技恐本藝反致生疎似非整練軍實良法臣等愚見以為兵丁習用器械仍應遵照原題定例惟責成該管將弁勤加操演如果技藝專精官則記功兵則優賞其或生疎

疲弱官則嚴叅兵則責革考核公明信賞必罰人
人各精本藝自成強勁之師臣等謹按地方情形
和衷商酌是否允協恭候

聖裁指示遵行

臣

謹會同廣東提

臣

張漣合詞具

奏伏乞

皇上睿鑒謹

奏

所奏是凡如此等條陳當諒其初任地方未諳情形而

嘉其肯言之志若稍露鄙薄詞色則阻遏言路矣極宜
留心毋忽

同日又

奏為遵

旨奏覆事竊照廣東布政使甘汝來以粵省換貯抵帑
硫磺行匠買運過多請核定觔兩數目由督撫給
票買用等由具

奏奉

硃批言之該督撫酌定奏請欽此欽遵查得粵省各標
協營以及舖戶行匠需用磺斤向來俱由布政使
給票赴廣州府理事同知局內領買而理事同知
局貯硫磺則由撫臣給票該同知差委員役赴湖
廣等處產磺地方買運回局銷售近因原任貴州
撫^臣金世揚運粵變價抵帑水銀尚餘一百三十
一石無人承買遼夷商榮貽觀裝載硫磺到澳經
陞任布政使王士俊詳明將未賣水銀易換硫磺

八百石計重九萬三千二百七十四斤運交廣州府經管凡標營行匠需用帑礦仍由布政使給票買運收價抵帑此歷來銷礦之舊例也但由布政使給票買運誠恐武弁玩視經過塘汛盤詰稍踈弊端易起甘汝來

奏請核定數目由督撫給票銷運之處甚屬妥協上年十月內據甘汝來呈詳_臣等業將每歲各行匠應買礦斤較數歲之中以為常斟酌核定數目不

得核外多買通行飭知其行匠與標營買運之時
俱令該管文武用印文報臣衙門核給照票行廣
州府收價兌發限期繳票回銷仍通飭所屬塘汛
驗票放行倘有夾帶私買情弊立拏解究較前頗
為嚴密實可永遠奉行惟查本案帑礦原係九萬
三千二百七十四斤自雍正九年八月起至雍正
十一年五月止道省標營行匠陸續共銷運過六
萬七千餘斤尚存礦二萬五千餘斤此項帑礦銷

完之後臣等擬照買運硝斤之例先行動項委員
往產磺地方買運回局標營行匠仍照例令該管
文武具文報明由臣衙門給票赴局領買其由布
政使給票之處永行停止如此則稽查嚴密似可
杜夾帶私販之弊所有臣等酌定情由理合繕摺
奏覆是否允協恭候

聖裁指示遵行臣謹會同廣東撫臣楊永斌合詞具
奏伏乞

皇上睿鑒謹

奏

粵省硝磺即照此議辦理嗣後永著為例

雍正十一年八月二十五日廣東總督臣鄂彌達

廣州將軍臣柏之蕃廣東提督臣張溥謹

奏為遵

旨奏覆事雍正十一年三月十一日臣柏之蕃摺

奏標下綠旗四營兵糧缺出請將八旗壯丁與四營

餘丁相間挑補一案奉

硃批與鄂彌達張溥詳細商酌奏請欽此欽遵臣等伏

查雍正七年十一月內欽奉

上諭嗣後將軍標下綠旗兵丁缺出即將漢軍餘丁頂補仍食綠旗糧餉如綠旗兵丁內其祖父食糧年久者其缺既令漢軍頂補則伊等子弟不得食糧未免衣食無資著於本省督撫提鎮標下并同城附近營汛內有開除名糧即將此等之人充補欽此欽遵仰

見我

皇上睿慮周詳無微不至體恤兵丁至周極當_臣等凜遵奉行何容另議但查駐廣八旗壯丁陸續已頂補將軍標下綠旗兵缺二百六十七名惟綠旗壯丁內多有倚靠食糧之父兄同居度日彼此相依不能遠就別營兵糧者雖人材壯健而拔補無階亦屬可惜_臣等仰體我

皇上軫恤兵丁整練軍實至意謹會同詳細商酌分別

料理查將軍標綠旗四營共額兵三千四百六十七名內食糧二十年以上者七百三十三名不及二十年者二千七百三十四名今議食糧二十年以上者念其效力年久所出糧缺仍准伊等子弟頂補其食糧不及二十年者遇有糧缺即將八旗壯丁挑補至於綠旗壯丁除頂補伊等食糧二十年以上之父兄兵缺外其餘各丁查其有父兄不能分居異爨者咨送同城之撫標及廣州協標入

伍其無父母可以移居遠出者咨送附近省城之
左翼鎮標入伍俱於本營四缺內以將軍標營綠
旗壯丁拔補一缺如此則八旗壯丁與綠旗壯丁
俱得糧餉眷贍而旗營均收精健之用共沐
聖恩於無既矣是否有當恭候

皇上指示遵行_臣等謹會同合詞具

奏

所議合宜如應具題具疏題請若無庸經部存案汝等

既經會奏奉有批諭即遵照施行亦可

廣東總督

臣

鄂彌達廣東提督

臣

張溥謹

奏為鎮臣庸惰乖張任意勒派據實奏明仰邀

睿鑒事竊照總兵一官有統率將弁訓練兵丁之責必

須勤慎嚴明正已率屬始於營伍有裨詎有左翼

鎮總兵官李萬倉者怠肆性成勒派任意操練兵

丁弗躬弗親雍正十年十一月即聞該鎮令家人

朱大成與中軍遊擊劉世爵對坐看操

臣

等猶以

為或該鎮身有疾病偶一舉行詎意該鎮視為成
例本年四月以至七月凡遇操兵之期皆不親往
教場看閱陸兵仍令家人朱大成代操水師則令
家人鮑二代操而朱大成鮑二等亦即恣睢自大
公然與遊擊竝坐竝行指揮叱咤守備以下動輒
辱罵聽操兵卒鞭撻妄加各營洶洶不平幾至釀
成事端又惡在城各卒衣服新舊不等勒令三營
將弁先捐銀兩交中營外委李欣榮買布另換每

足價銀二錢八分每兵二名領布三尺做袍二件
每袍一件扣銀四錢八分八釐以至五錢三四分
不等勒限兩月內月餉扣回其餘外汛兵丁袍帽
勒令千把代製亦於月餉扣回適值五六兩月青
黃未接城汛各兵甚屬苦累又該鎮不勵廉隅好
為結納所轄屬縣吏員李文懿不過稍有家資該
鎮遂與睽締宗譜親密往來以致兵卒訕笑更屬
非體似此卑污乖情溺職之員海疆重地斷難姑

容貽誤臣等不敢徇隱理合據實

奏明伏乞

皇上睿鑒臣等謹合詞具

奏

李萬倉怠肆溺職知道了已有旨諭部矣

廣東總督臣鄂彌達謹

奏為恭謝

天恩事雍正十一年七月二十五日內閣寄到雍正十

一年六月十七日奉

上諭鄂彌達之子勒世馨年齒尚幼清話尚未學習問其漢文亦僅讀完四書所學甚淺尚須著實教導著仍留伊父任所俟再學習三二年送京請旨爾等可傳旨與鄂彌達欽此遵

旨寄信前來臣本年八月初二日內閣又寄到本年六月二十七日奉

上諭鄂彌達之子勒圖渾著往伊父任所令其用心教

導朕看鄂彌達二子俱甚屬平常雖令隨任亦不能
幫助伊父辦理家事爾等可寄信與鄂彌達令其加
意教導務令成人欽此遵

旨寄信前來到臣聞

汝此論非也率屬之道賢者進之不肖者退之激揚取捨操縱在已至於
命之下感激涕零臣職任封疆未能教子安能率屬撫
子息限於定數有分存焉賢者固屬克家不肖者亦將驅令何往若凡愚

躬自問咎實難辭荷蒙

之質盡能教而成立則堯舜不應有丹朱商均矣此非可以力勝者惟當
皇上天恩格外矜全著臣二子俱赴任所學習伏念臣
盡人事以聽

世叨養疊荷生成跪讀

天

金匱要略卷之三

卷一百十五之三

溫綸而己感深懼積臣子即識類豚魚亦應思奮若能思奮非凡縱他日克

效涓埃朕觀汝二子俱屬庸品即勉為中才尚恐未能試難酬罔極豈容仍前怠棄自蹈冥頑臣益

加意訓導看

當仰體

聖主洪慈加意教導務令成人以圖報

皇恩於萬一所有感激微忱理合繕摺

奏謝謹

奏

覽

雍正十一年十月初四日廣東總督臣鄂彌達謹

奏竊照粵東惠潮二府民人歷年俱有往來廣西四

川二省及孖峇前往彼地入籍居住者而上年冬

間為甚臣據報業於本年正月委員前往入川及

入粵西要路稽查竝飭各該縣查造遷民清冊咨

明兩省撫臣行查經於本年三月十二五月初十

等日

奏明在案猶恐各縣仍有無業貧民復思出境隨諭

各州縣多方曉諭凡素無恒產者令其自行報明
給貨送至恩平開平等處耕種更於入川要路如
惠州之和平連平龍川韶州之樂昌仁化各縣多
張告示稽查招徠兼預發公項銀兩存貯各縣遇
有入川民人支給資送來省分發墾荒據各該縣
報稱自五月以至七月並無入川民人經過茲於
八月二十九月初一等日據龍川長樂二縣稟稱
有入川民人一起三百餘人結夥同行該縣親往

勸諭各衆啼哭叫號共稱皆有祖父兄弟在川前
往團聚俱不肯回雖給以路費船隻俱不肯受該
縣以彼等非同罪犯不便過嚴只得聽其前往止
勸回十一人等語各到臣細加確訪查得此項民
人原非盡係無業貧民止因雍正五年以前粵東
民人入川成家者甚衆當時有信息往來回粵接
取親屬前往完聚又有棍徒聳動引誘從中覓利
包攬引路送人入川揚言川省膏腴每田種一石

可收穀百餘石百物俱賤易於資生以致愚民垂涎賣棄現在產業挾貨而行雖多方曉示給以房屋居住田土墾耕無如彼等惑於川省逸樂之說不願本省墾荒又恐散行勸阻竟竄傳單會衆同行查粵東現在早稻收成甚屬豐稔雖米穀最貴之州縣每石時價不過一兩晚稻茂秀盛於早稻民間日用原無艱苦而愚民易惑難曉猶復輕去其鄉臣據報除委員攜帶公費銀兩前往招徠如

願回籍者給貲送至開平墾荒其實有父兄在川不肯回者委員給照護送往川親至川省查明安插一面再行出示密諭各州縣查明無產業者即資送至省給貲安插並預委糧驛道陶正中於有可墾荒地處所多造屋宇便民居住一面仍將引誘棍徒密行查拏外理合據實

奏明伏乞

皇上睿鑒謹

奏

民不懷土輕棄故鄉此惡風也當竭力挽回毋使任意
流蕩

同日又

奏為恭繳

硃批原摺事竊臣會同提臣張溥議覆潮州鎮總兵官

范毓銜條陳兵丁令於本藝之外兼習別樣器械

不便定為章程一摺奉有

硃批仰見我

皇上明目達聰芻蕘必採

臣

等荷蒙

聖訓諄切誥誡嗣後益當虛懷集益不敢稍露鄙薄詞

色以仰副

皇上廣開言路之盛心所有奉到

硃批原摺理合恭繳謹

奏

實能如此存心始克稱集思廣益也

雍正十一年十一月十五日廣東總督

臣

鄂彌達

廣東巡撫

臣

楊永斌謹

奏為勞臣遺澤在人籲懇破格加

恩以酬懋績以愜輿情事竊查有原任粵東撫

臣王來

任者念切民瘼澤入人心距今六十餘年老幼謳

思常如一日

臣

等泣粵以來濱海耆民屢經環轅

攀輿籲

題加封祇因王來任曾因

京察自陳罷免從前歷任督撫俱以與例不符致下
情未能

上達臣等伏查王來任於康熙四年莅任粵東兵燹甫
靖民困未蘇又平靖兩藩軍興供億徵派浩繁每
歲虛糜

國帑二百四十餘萬復因海氛未靖議者特嚴邊界
濱海五十里禁民毋得居住往來頻年轉徙一遷
再遷蕩廬舍為平原棄膏腴為荆莽採捕者謀生

無策煎曬者度日無資縮地移民因噎廢食王來
任甫及下車疏除六害周詳剴切俱蒙

聖祖仁皇帝允其卓卓可述者開數萬頃良田而流民
安集裁百餘萬兵餉而

國課充盈汰雜派以恤民財而正供無缺革夫役以
紓民力而南畝有秋嚴板誣而善良安枕禁抽剥
而市鎮寧居諸如消弭反側善政多端迨康熙七
年間王來任病篤垂危遺疏展界蒙

聖祖仁皇帝恩准弛禁哀鴻初定共慶再生凋瘵之餘羣
登衽席宜其流澤綿長環海尸祝也及病卒之日
白叟黃童環轅號泣家懸遺像戶供名牌愛敬之
誠久而愈篤茲復據各府州縣紛紛呈詳前來臣
等查王來任籍隸奉天其子孫之貴賤有無俱已
無從稽訪而粵中耆老匍匐再三仰希
綸誥之褒揚冀顯勞臣之功績民情如此益信直道不
泯庶吏可為伏念我

皇上崇德報功凡大吏實心愛民勤勞為

國俱得入賢良祠以昭

恩眷若王來任興利除害輿論僉同布德當年邀榮此

日似應懇

恩優卹復職加封崇祀賢良以慰輿情以旌功德者也

緣王來任曾經自陳罷免不便冒昧具

題可否不拘成例格外

褒崇併應否另行

題請之處伏乞

皇上批示遵行

臣

等謹合詞具

奏

具疏題請可也

同日又

奏為恭懇

聖恩准留鹽場効力事竊照原任肇慶府通判朱瀚經
前撫臣傳泰借補惠州府屬歸善縣知縣嗣於雍

正八年到任後見該員才非肆應歸善為惠州附郭首邑恐難以勝任隨將該員調補瓊州府會同縣給咨送部引

見該員於上年三月回至粵省正擬到任接准部咨以該員歸善縣任內失察賭具例議革職隨經臣等援例

題請留粵以知縣以下酌量委用蒙

恩俞允續又因該員歸善縣任內先有失察陳理等誣

良為盜一案本年八月復准部咨革職在案查該
員才具雖非敏幹居官猶無劣蹟兩次叅革俱屬
因公罣誤且年力尚強堪供驅策臣查粵東鹽場
在在需員料理從前效力各員俱經陸續期滿現
在需員接管朱瀚勤謹小心在粵年久風土熟悉
料理鹽場事務尚可勝任仰懇

聖恩准其在場效力三年之後如果實心報效另行具

題請

旨開復彼斥革廢員復蒙

天恩留粵委用自必愈加感奮矣為此繕摺

奏明仰邀

皇上睿鑒倘蒙

聖恩俞允伏乞

敕部查照施行臣等謹合詞具

奏

據奏朱瀚原係調簡之員復經兩案革職其庸常可知

況鹽場事務弊實多端必精明強幹方能搜剔豈勤謹
小心四字所能勝任朕意以為此舉無益汝其再加斟酌

廣東總督臣鄂彌達謹

奏為恭報粵東晚稻收成數仰祈

睿鑒事竊照粵東地方仰賴

皇上洪仁雨暘時若目今晚稻業已登場萬民樂業四
野歡騰茲據布政使甘汝來將各屬晚稻收成分

數彙報前來

臣

查廣州府屬南海番禺東莞順德

新會香山清遠花縣收成俱九分龍門增城新安
新寧三水收成俱八分從化縣計有十分收成南
雄府屬保昌始興二縣收成俱九分以上韶州府
屬曲江仁化二縣收成俱七分樂昌乳源英德翁
源四縣皆八分以上收成惠州府屬歸善博羅海
豐陸豐河源龍川和平連平永安長寧等十州縣
俱八分以上收成潮州府屬海陽潮陽揭陽饒平

普寧澄海大埔惠來等州縣俱九分收成肇慶府
屬德慶高要開平恩平廣寧四會鶴山收成俱九
分高明縣收成約七分新興陽春陽江封川開建
俱有八分收成高州府屬茂名信宜化州石城收
成皆九分電白縣計有十分收成吳川縣約有八
分收成雷州府屬海康遂溪徐聞三縣均有九分
收成廉州府屬合浦欽州靈山三州縣收成俱九
分以上瓊州府屬瓊山澄邁儋州臨高會同樂會

崖州陵水萬州安定文昌感恩昌化等州縣俱八
分以上收成嘉應州平遠鎮平收成俱九分興寧
長樂約八分以上收成羅定州計有九分收成東
安西寧二縣收成皆九分以上連州收成約有八
分以上陽山連山二縣均有九分收成至各屬米
價每石自五錢八分以至一兩不等今新米上市
價值日平皆由我

皇上敬

天勤民精誠感格是以海隅蒼生咸蒙樂利臣不勝踴躍

懽忭之至理合繕摺奏

聞伏乞

皇上睿鑒謹

奏

晚稻收成分數米糧價值情形以手加額覽焉凡此莫非卿等公忠任事能令盜息姦消民情暢遂有以感召天和之所致比年以來粵東歲豐米賤實為向日所罕聞

者際此休徵當愈加寅畏更勉公忠不可稍萌盈滿恣肆之念也戒之敬之

雍正十一年十二月初四日廣東總督

臣鄂彌達

廣東巡撫

臣楊永斌謹

奏為遵

旨奏覆事竊照廣東布政司甘汝來以瓊州府屬距省遙遠各營兵餉請就近撥交海南道員收支等由具

奏奉

上諭布政司衙門為一省錢糧總匯各營兵餉俱應由
司庫給發若圖省便就近支領將來必滋弊端此乃
必不可行者惟是廣東瓊州去省一千六七百里且
往來渡海與內地不同似應變通辦理著甘汝來將
伊所奏及朕此旨與督撫閱看悉心定議具奏欽此
欽遵仰見我

皇上睿慮周詳杜弊防微之至意伏查瓊州距省甚遠

又復隔海各營夏秋冬三季兵餉向來原係將該府各屬地丁就近撥給由瓊州府知府支放止緣撥給不敷是以春季仍赴司庫支領業於雍正九年經前督臣郝玉麟會同臣鄂彌達

題明准部議覆遵行在案今據甘汝來

奏請嗣後每年由布政司衙門撥定各州縣地丁數目改交海門道衙門收支按季散給每年銷算兵馬錢糧之時由該道造冊移付布政司報銷其瓊

屬每年地丁不敷支給之數查粵省海關經收海口稅銀每年不下三萬餘兩可以就近撥兌充支等語臣等悉心商酌瓊州歷年兵餉夏秋冬三季原撥該府地丁就近支給惟春季仍行赴省領支甘汝來議請交海南道員收放不敷銀兩以海關稅銀兌支既免遠涉風濤不虞遲誤兼有道員經理無慮侵挪所議尚屬妥協應如所請變通辦理將向來夏秋冬三季兵餉由該知府支給者今統

歸該道收放以專責成至每年銷算屆期該道仍冊送藩司匯總彙報其各州縣解交道庫之時并令造冊報明藩司存案臣等仰承

聖謨因地制宜事屬可行理合

奏覆再查

奏銷仍由藩司彙報於定例原無更張應否止將緣由咨部存案無庸另行定例之處伏乞

皇上批示遵行臣等謹合詞具

奏

瓊州各營兵餉照所議行其兌支收放等務應具題者具疏題請應咨部者咨部存案

同日又

奏為據情奏明仰祈

聖鑒事據原任肇慶府知府楊以寧呈稱以寧由舉人選授四川溫江縣知縣雍正二年出口管理又木多糧務雍正四年引

見奉

旨以廣東緊要知府缺用雍正六年補授肇慶府知府
因前署羅定州任內經手倉穀未清被叅又因阿
附阿克敦擬斬監候待罪因圖已經六載本年秋
審荷蒙

皇上天恩改列可矜減等發落此後犬馬餘生皆賴
聖恩再造自揣年力未衰冀圖報效情願帶子捐職州
同楊錡前赴軍前效力贖罪伏乞

題達等情到

臣

等據此隨查楊以寧於雍正二年出

口管理糧務與前督

臣

郝玉麟同在乂木多地方

共事數載郝玉麟曾向臣等言及楊以寧辦理軍需尚屬妥協今幸蒙

聖恩已將楊以寧從寬減等臣等查楊以寧才具可用年力未衰且曾在軍前數載諳練邊情與其安插為民置之閒散不如令其效力圖報

國恩今據楊以寧情願帶子前往軍前情詞懇切

臣

等謹據情奏

聞可否送部引

見命往軍前效力贖罪伏乞

皇上批示遵行臣等謹合詞具

奏

已有旨諭部矣

同日又

奏為人才難得據情奏

聞仰祈

睿鑒事雍正十年四月內據原任廣東按察使黃文煒
詳稱據原任海豐縣知縣王者輔呈請願赴軍前
效力仰報

聖恩等情經行惠州府查議去後隨據惠州府知府吳
簡民覆稱查得原任海豐令王者輔任事時操守
潔清辦事敏決盜賊屏跡塵案俱清海豐士民至
今愛戴以故其應賠銀一千三百餘兩皆百姓爭

先代納其致罪事由實緣雍正五六兩年粵東州縣尚未議給養廉一切公捐又皆派於州縣該令火耗稅契照舊徵收俱屬辦公非同入已有案可查今該令因賠項已清得邀減等感激

聖恩願赴軍前效力雖無成例可援但該今年力強壯辦事精明實屬有用之才相應俯如所請轉懇

題達等情到司轉詳到

臣等據此查該令在粵居官

實心任事聲名甚好

臣

雍正八年初到粵東即已

訪聞

臣

署向無幕客因於上年五月內將王者輔

傳入署中令其料理一切事務細加觀察今試看
已將二載實屬人品端方辦事敏練且於粵省情
形以及營伍鹽政均能熟悉似此有用之才廢棄
殊屬可惜

臣仰體

皇上愛惜人才寸長必錄之至意謹繕摺據實奏

聞可否將王者輔送部引

見恭候

皇上批示遵行再查該令係江南天長縣人由生員保
舉於雍正五年三月內引

見奉

旨王者輔著補授海豐縣知縣人甚去得著行知該督
撫欽此嗣因與惠州府知府張象乾互揭并叅治罪
贓完減徒於雍正九年到省城五仙驛已將滿限
合并聲明臣謹會同撫臣楊永斌合詞具
奏

備叙願赴軍前效力情詞具疏題請同楊以寧一併送
部引見



硃批諭旨卷二百十五之三

欽定四庫全書

史部

硃批諭旨卷二百十五之四

詳校官尚書臣德保

編修臣裘謙覆勘

總校官中書臣朱鈐

校對官助教臣蔡鎮

謄錄監生臣胡永齡

欽定四庫全書

硃批諭旨卷二百十五之四

硃批鄂彌達奏摺

雍正十二年二月初四日廣東總督

臣

鄂彌達廣

東巡撫

臣

楊永斌謹

奏為奏明事雍正十一年八月二十八日內閣寄到

四川督

臣

黃廷桂撫

臣

憲德會

奏裁汰勇健兵丁簡居仁假冒外委把總職銜一摺

奉

旨黃廷桂憲德奏摺可抄錄寄與各省督撫閱看著留心訪察若勇健營裁汰回籍之兵丁有生事不法及假冒職銜者著地方官嚴拏遵照前旨從重治罪不許寬貸欽此鈔寄到_臣等准此遵查粵東原選送勇

健兵丁七十名在京挑退五名在陝挑汰二十一名俱已陸續回粵當經飭令回籍安業在案茲奉諭旨著_臣等留心訪察遵即密查去後隨據各該地方

官覆稱現在汰回兵丁俱各守分安業竝無假冒
職銜亦無生事不法除密諭各該地方官仍不時
加意訪查無得徇縱外理合繕摺奏

聞伏祈

皇上睿鑒

臣

等謹合詞具

奏

此輩行止率多不端須加意訪察毋忽汝等於從前選
送時糜費過當咎已難辭若再失於徇縱則不知汝等

具何面皮而不愧報也

同日又

奏為奏

聞事竊照粵東地處海濱颶風時作然或旋發旋止是以民間不致漂搖茲於雍正十一年九月十四日據高州府詳報本年八月二十一夜吳川縣地方颶風陡作大雨如注潮水湧漲兵民房屋倒塌者一百四十三戶其尚堪修葺者六百五十八戶吹

去上蓋者一百一十八戶商漁船漂沒者一十七
隻其擊破尚堪修理者九隻淹斃男婦二百三十
一名口災傷田禾四頃八十四畝又石城縣地方
飄失漁船三隻飄沒水手三名又據雷州府詳報
遂溪縣地方八月二十一夜颶風陡發倒塌民房
三十九戶其坍塌尚堪修葺者二百一十六戶吹
去上蓋者五十三戶商漁船飄沒者八隻其擊破
尚堪修理者二十八隻淹壓身死男婦八十二名

口又海康縣地方擊壞漁船六隻淹斃水手二名
嗣又據護理高雷廉鎮總兵印務姚源忠呈報電
白吳川碙州海安各營寨礮臺戰船多有損壞各
到臣隨即飛委高雷廉道毛世榮會同各該府攜
帶存公銀兩星往被風各縣賑恤去後嗣據該道
呈報遵即親詣各處分別賑給查沿海居民房屋
被風損壞者皆係草房全塌者每戶給銀一兩其
尚堪修葺者每戶給銀五錢吹去上蓋者每戶給

錢三百文修理已經足用至田禾被傷者每畝給銀一錢商漁船全壞者每隻給銀三兩其尚堪修補者每隻給銀一兩五錢淹斃男婦每名口發銀四兩給各親屬以資殯葬實共賑恤銀一千三百七十三兩零按戶支給俱各得所至損壞礮臺等項俱經飛飭該管文武勘估動項修理各在案嗣於十月二十二日又據瓊州鎮臣李順呈報本年九月十八二十三等日瓊屬地方颶風驟雨各協

營寨城垣垛口礮臺營房烟墩望樓多有損壞又
北洋地方有商船被風飄流抵岸飄失水手三名
等因到臣隨飛檄瓊州府確查詳報併照高雷一
例賑恤去後嗣據該府報稱查得被風擊碎商漁
船二十八隻擊損船二十一隻淹斃九人其生存
難民皆已捐給口糧遞送回籍所費無多無庸動
支公項田禾仍有八分以上收成其營房等項現
在估計請領藩庫公項修理等由到臣據此除行

回加意撫恤無使一夫失所致厘

聖懷併刻期鳩工速將營房等項修整具報外所有高
雷瓊三府前後被風情形及臣等委員賑恤緣由
理合繕摺奏

聞伏乞

皇上睿鑒臣等謹合詞具

奏

粵東近年以來颶風頗甚汝等當體究致災之由講求

消弭之道抑或建立

風神祠修省籲禱仰邀

神明佑庇永息狂飈惠此下民然非國之常典作汝等意

見從俗賽祀庶幾合宜

雍正十二年二月十九日廣東總督臣鄂彌達廣

東巡撫臣楊永斌謹

奏為奏

聞事本年正月初十日據潮州府普寧縣稟稱上年封

印後訪有揭陽縣人陳武瑞散符惑衆當即拏獲
到案搜出紙符四十五張符上鈐蓋木印有天圓
泰實字樣除現在密拏黨羽訊究外理合稟明等
因連繳紙符到臣等隨即密行潮州鎮潮州府確
查夥黨毋任匪徒免脫無辜牽累并星飛會委臣
標把總黃雲龍增城縣巡檢張中立前往協同地
方官嚴查密訪有無謀為不法情事去後續據該
鎮府先後稟報案內匪首匪黨實共二十三人俱

已陸續全獲緣有海陽縣人王阿童欲打刼棉湖寨富戶製造紙符布旗詭云符可護身旗可召鬼騙人入夥經給陳阿吉紙符五十張又給甘阿繒紙符五十張小布旗一十二塊嗣陳阿吉領符入手即交陳武瑞轉散其甘阿繒所領符旗尚未散給俱於店主詹祥宜家搜出訊據領符之吳阿聘羅義和陳阿四等各供吐不諱其所造木印訊據王阿童供稱寄藏在老婦董孝孀家當經起出小

木板一塊與符上木印驗對相符等因到_臣等據此查陳武瑞散符一案據該府縣訊據王阿童自認爲首製造符旗歷歷不諱各犯亦供證僉同細驗其紙符點畫狀類巫師邪術符上木印亦與道士木刻印記相似其所造布旗編立號數潦草不堪明係無賴棍徒歲暮無依倡謀搶劫其領符各犯有實係同夥知情者亦有無知鄉愚惑於邪教一時誤受者今匪首匪黨俱經全獲除一面提犯

來省確訊實情分別情罪輕重歸結外所有散符
惑衆及拏獲人犯緣由理合先行奏

聞并將繳到符旗進呈

御覽_臣等謹合詞具

奏

此案匪犯雖無謀為不軌形跡然擅敢製造符旗邀結
夥黨希圖搶劫富戶其情亦甚屬可惡起意創謀及實
係入夥者自當分別首從嚴懲示儆毋俾疎漏至於無

知被惑鄉愚情有可原者應予從寬歸結須加意斟酌
辦理庶不致輕重失宜

廣東總督

臣

鄂彌達謹

奏為奏

聞事竊照粵東地方仰賴

皇上福庇雨暘時若屢登大有

臣

於上年冬底巡視肇

慶各屬雨澤優渥二麥豐茂現今陸續收穫入春

以來雨水霑足早稻漸次栽蒔時仰荷

皇上至誠感召將來豐稔可期近據所屬報稱米價俱
平自六錢以至一兩一二錢不等油菜園蔬俱皆
茂盛恐僅

聖懷謹繕摺奏

聞伏乞

皇上睿鑒謹

奏

覽粵東雨澤麥禾情形及米糧價值朕懷曷勝欣慰

雍正十二年三月初一日廣東總督臣鄂彌達謹

奏為恭進礮位事竊臣於雍正十一年五月內恭

進九節大礮一位敬呈

御覽隨於九月內准辦理軍機處大學士伯臣鄂爾泰

鈔發一件為遵

旨議奏事令臣將九節銅礮如式製造七位即送來京

一併轉送軍營并令臣再照造二十位陸續運送

來京備用等因到臣當即遴匠選料如式製造業

於本年二月初十日造成八位解送至京具摺奏

聞

臣

隨即趕緊接造現在又造成十位俱經試放驗看

均屬穩妥謹將現造銅礮十位并礮子五百箇解
送備用其餘十位亦已鑄造將成容即隨後齎送
理合繕摺奏

聞伏乞

皇上睿鑒謹

奏

據奏解送銅礮十位到京知道了甚好

雍正十二年四月初八日廣東總督

臣鄂彌達廣

東巡撫

臣

楊永斌謹

奏為要地需員酌請調補以收實效事竊查州縣一
官必得人地相宜庶不致貽誤地方茲有肇慶府
屬之新興縣崇山峻嶺巖谷深邃所屬瓮洞等處
向為盜賊潛藏之藪甚是險隘目今地方雖屬安
靜然必防範周密預為留心稽查使宵小無所托

足方不致將來有養姦之患又地當高雷等府孔道遞解人犯護送錢糧絡繹不絕實係衝要之區現任知縣許湜到任半載雖屬小心謹慎而才識短淺不克勝任恐致貽誤地方臣等查有高明縣知縣胡國楷者熟悉地方情形辦事老成練達以之調補新興縣缺實為入地相宜其高明縣地方亦有基圍要務必得諳練風土之員方克勝任查有檢發試用之喬德徵心地明白辦事誠實今試

用二年期滿請即以之實授高明縣則該員必益
加奮勉矣至許湜才具雖屬中平尚知謹飭自愛
應俟有簡僻小縣缺出另行

題補查新興等縣均非題補之缺但_臣等仰體

皇上慎重地方量材酌用之意為此繕摺

奏請可否具

題伏乞

皇上批示遵行_臣等謹合詞具

奏

將各員缺情節備悉聲明具疏題請

同日又

奏為謹籌要地倉貯以備民食事竊照粵東瀕海倚
山全資積貯而各府之中惟東路潮州西路瓊州
其儲緩備急之策有不可不亟講者謹為

皇上陳之潮州居粵東偏距省城千有餘里南枕大海
東接閩疆人烟稠集山多田少本處穀石除供居

民食用尚有闕之漳州每歲來潮告糴在小民只圖目前之利既不預脩蓋藏而閩粵均係

朝廷赤子又未便禁遏兼有附近之南澳碣石兩鎮亦時赴潮輓輸倘收成稍歉其勢遂不可支雍正四五年間潮郡偶歉石米竟至三四兩不等總緣地處極東即欲仰給西路而海運則風信靡常不能計日接濟河運則山谿多阻勢難久待此潮郡民食宜為籌畫也瓊州遠隔外洋為全粵屏藩重地

鎮協營寨基置星羅生齒殷繁商民雲集該地民食每賴高雷兩郡輓粟接濟惟是本地歲產穀石既不敷一歲之需而年景之豐歉難憑米價之低昂無定倘商販罕到轉輸不及一時騰涌實屬窘迫堪虞此瓊郡民食宜為籌畫也臣等再四思維竊謂潮州一郡應於潮屬之潮陽揭陽海陽三縣建倉貯積臣等請借支太平關稅銀五萬兩發二萬兩交該地方官於秋收後就近陸續購買再將

二萬兩委員赴西省採買仰懇

皇上敕下西撫臣轉飭地方官協同陸續購足運回東
省存貯查廣潮相距遙遠向來鹽貨各船自廣抵
潮俱由虎頭門港口出走洋皮地方至神泉港入
惠來縣徑達潮陽揭陽海陽臣等擬以販到西穀
暫儲西南倉內俟秋冬風信順利陸續撥運甚為
穩便計支銀五萬兩除去前項尚餘銀一萬兩合
算建倉脚費餘銀仍酌量買穀共可貯穀近十萬

石查由潮邑至揭邑由揭邑至潮州均係一水直達如有急需之處可以及時撥運穀價不致騰昂此潮郡積貯之不可不豫也其瓊州一郡則應於雷州之徐聞縣建倉貯積_臣等查向來高雷米穀本運糶於瓊郡瓊郡民食專待給於高雷第該府孤懸海島兵民稠集而惟寄性命於賈客之手甚非長策查由雷達瓊道經徐聞縣至海安所渡海自徐聞到海安不過二十里許_臣等請借支關稅

銀三萬兩交高雷所屬地方官陸續收買穀石即
於徐聞縣城建倉存貯除去工料腳費計可貯穀
六七萬石以備瓊州緩急之需則搬運不難可以
刻期接應而海上人民不憂艱食此瓊郡積貯之
不可不豫也以上潮瓊兩府借支銀兩分十年扣
還其倉廩交與地方官料理每年收買發糶以該
府同知為專管之官如蒙

聖恩俞允所有一應事宜

臣等即另疏具

題伏乞

皇上批示遵行

臣

等謹合詞具

奏

儲積米穀原為濟民要務具疏題請候朕裁酌

廣東總督

臣

鄂彌達謹

奏為奏

聞事竊照粵東荷蒙

聖主福庇連歲豐登

臣

於上年冬底巡視肇慶各屬雨

澤調勻二麥豐茂入春以來陸續收穫早稻漸次
栽蒔經於本年二月內奉

聞在案茲續據廣韶惠潮等府先後稟報二麥收成俱
約有八分九分十分不等甚屬豐稔昨於清明日
大雨兩晝夜耕耤前一日大雨一晝夜現今雨水
霑足秧苗茂盛米價自五錢六分至一兩一錢不
等四民樂業皆我

皇上至誠感召之所至也

臣 恐塵

聖懷謹繕摺奏

聞伏乞

皇上睿鑒謹

奏

粵東二麥豐收雨水霑足及稻茂米賤各情形朕以手
加額覽之

同日又

奏為請定巡鹽專弁以清私販事竊照疏引辦課莫

如緝私而緝私非有專員私梟究不能杜向來積
慣梟徒窩匿販賣頑貪性成弁役盤拏公然抗拒
此輩今日敢為鹽梟他日即可為巨盜為匪作姦
勢將無所不至前經於東西兩路遴委員弁帶役
緝拏邇來官引頗能疏通積梟漸次斂跡惟是粵
省鹽務頭緒紛繁如福建長汀一埠帑課繁重該
地界連七邑漳私透越其連城之張元山上杭之
白蓮塘弔鐘巖歷為漳私總匯又江西之寧都等

埠俱為閩鹽走漏之區各處辦帑人員耳目難周
且地方遼濶寥寥數名巡丁不能寸寸把守其該
地官弁雖有盤查之責然文職各有專司武弁難
離汛地名為一體盤查實則勢難兼顧屢據長汀
縣及各委員稟稱堵緝乏人請設專弁臣以事關
隔省未便徑設員役而官引壅滯實多掣肘伏查
浙江前督臣李衛請設巡鹽千總仰荷

皇上俞允臣之愚見請於福建之長汀江西之寧都各

派設巡鹽千總一員帶役五十名於各該埤地分
遣巡緝以杜私鬻之源庶汀帑寧帑可以及時清
理如蒙

恩准所有巡鹽千總無庸另行增設即於現任千把內
擇其謹慎諳練者酌量派用其巡役工食即於羨
銀支銷若私鹽杜絕場羨充裕就中撥給甚為兩
便如此則責成既專堵擒必力於釐政民風均有
裨益

臣謹繕摺具

奏伏祈

皇上睿鑒施行謹

奏

該部議奏

雍正十二年五月初四日廣東總督臣鄂彌達謹

奏為

奏報開墾田畝安插人民事臣莅粵數載仰體

聖主鄭重民食之至意經委糧驛道陶正中勘丈廣墾

二府荒地招集窮民酌動存公墾荒銀兩給發墾種編甲安插限年陞科復檄行高雷等府一體清查踏勘招墾又韶州府屬徭山一帶荒地亦多并委廣南韶連道馮元方親詣查明督令徭人開墾俱經臣先後奏

聞在案茲據各道府呈報開墾畝數前來查糧驛道陶正中督率番禺等縣共墾荒地二十一萬零一百三十餘畝共安佃七千零三十名內安插欲往川

之民人七百三十名又雷州府知府王鐸督率遂溪等縣陸續共墾稅田六萬二千九百餘畝共計安插高雷貧民二千五百餘戶又廣南韶連道馮元方督率理徭通判楊國棟勸墾韶州府屬徭山田地共八百七十餘畝共安插徭人四百一十九戶臣伏思粵東民食屢匱

聖懷臣凜遵

上諭不時勸墾各該道府身先倡率頗著勤勞各縣亦

能實力奉行躬親勘丈從此野無曠土南畝有秋
無業窮黎資生有策庶可少慰

皇上軫念元元之盛心所有各屬現墾畝數安插人民
緣由理合繕摺奏

聞伏祈

聖鑒謹

奏

督勸有方可嘉之至能如是闢土惠民庶不負封疆重

寄也勉為之

同日又

奏為奏

聞事雍正十一年八月內據欽州知州徐志培報稱有
龍門協營弁兵解到飄風鬼子小船一隻男婦大
小共三十四名口訊據船戶西利供係東波蕉孤
綿國人前往暹丹貿易行至東京海面被風擊破
大船扒過小船逃生因西南風飄到

天朝這裏求把小的們送到省城遇有便船附搭回國
等情理合稟報并將難番男婦給與口糧護送至
省等因據此臣仰體

皇上懷柔遠人中外一家之至意當即飭令布政司加
意撫恤毋致失所俟有便船附搭回國去後茲據
該司詳稱難番男婦人口俱經給發口糧養贍現
據船戶西利等稟稱有船商黃合興莫弘源二船
前往安南港口貿易甚屬便道懇准搭回等情隨

飭將難番三十四名口計算歸程給予口糧宣布
聖主恩賞分搭二船回國各番俱皆歡忭叩謝所有難
番歸國緣由相應奏

聞謹

奏

飄溺之患最為危險憫惻之懷何分中外亟應加意撫
恤者

雍正十二年六月十一日廣東總督臣鄂彌達謹

奏為恭報粵東早稻分數仰祈

睿鑒事竊照粵東地方仰荷

聖主福庇雨暘時若連歲豐收本年春間雨澤霑足時

插及時目今早稻登場萬民樂業四野歡騰茲據

布政使甘汝來將各屬收成分數彙報前來臣查

廣南韶惠潮肇高雷廉瓊等十府羅定嘉應連州

等三州各所屬收成俱有十分九分八分不等其

米價自五錢起以至一兩一錢不等今新米上市

價值日平此皆由我

皇上念切民依精誠感召是以邊海蒼生咸歌樂利謹
將各處收成早稻分數另繕清單恭呈

御覽外理合繕摺奏

聞謹

奏

覽早稻分數米糧價值深為粵民額慶

同日又

奏為

奏明事

臣

於本年三月內訪有龍門協革職守備何

大武潛往交趾江萍地方鬻販交鹽營私滋擾及

右江道出示嚴禁又勾通交趾之人公然杜去

臣

因江萍一帶為中外要隘即密飭欽州文武員弁
訪緝去後茲於五月內據欽州遊擊丁銓生拏獲
押解前來訊據供稱於雍正十一年內往江萍販
賣交鹽歷歷不諱查律載私越緣邊關塞杖一百

徒三年何大武曾任守備理應奉法惟謹乃敢逃匿夷境網利販私情罪尤屬可惡若不嚴加創懲不獨透漏交私於粵省鹽政大有妨礙且恐將來滋生事端貽害匪淺請將何大武竄斥遠方以杜姦竇庶使姦匪寒心而邊境獲寧矣伏祈

睿鑒施行謹

奏

所奏甚是應發遣黑龍江以示懲戒

雍正十二年七月二十六日廣東總督臣鄂彌達

謹

奏為恭謝

天恩事竊

臣

保送原任廣東海豐縣知縣王者輔軍前

效力經部臣帶領引

見奉

旨王者輔著命往陝西交與總督劉於義差委效力數
年之後該督將伊有無勞績效力如何之處出具考

語給咨送部請旨王者輔係因公科斂革職擬斬之
員續以贓銀限內全完減等擬徒結案該員綴才有
可觀而其品行之不端操守之不固顯然可見今鄂
彌達出具人品端方考語甚屬不合著嚴飭行欽此

臣伏讀之下不勝悚惶緣臣到粵之日訪聞該員

居官聲名尚好隨經傳入署內見其人尚樸直令
其料理一切事務頗屬敏練是以臣出具考語保
送不覺言之失當冒昧之罪夫復何辭荷蒙

聖恩高厚不行交部治罪

訓飭成全感懼實深嗣後惟有凜遵

聖訓力贖前愆於萬一所有感激微忱理合

奏謝伏祈

睿鑒謹

奏

身膺封疆要任當遠大是務不宜見識淺狹公私界限
祇在幾微念慮之間一涉瞻徇即為負國溺職重則貽

累功名事業輕亦難免物議於已毫無裨益無如燭理
不明者比比皆然每爭趨些少光榮以圖目前快志遂
置日後無限悔吝於不計也此諭亦使撫臣兩司觀之
雍正十二年十月初八日廣東總督_臣鄂彌達廣
東巡撫_臣楊永斌謹
奏為奏

聞事竊照潮州一郡逼處海洋當春夏南風盛發恐有
不法姦民走險為匪_臣等屢經密諭該地文武嚴

查隨據惠來縣知縣表曰菊等稟報訪有姦民方進安等於本年三月內夥同出海等情當即飛飭沿海文武確探嚴拏去後嗣據瓊州鎮臣李順報稱據福建船戶陳長茂稟稱四月十四日船至電白放雞洋面被白艚賊船刮去銀物認識賊船寫有永成字樣現泊海口等情隨拏到船戶黃永成供係福建龍溪縣人駕白艚船來瓊貿易四月十二日在上下川洋面被盜刮坐賊夥約十餘人多

係潮州聲音十四日又刦商船一隻至二十九日駛至惠來地方各盜登岸始放令繞到瓊等由臣等隨即密諭潮守竝密飭各屬作速嚴拏去後據報陸續拏獲盜首方進安林廷輝盜夥陳阿抱楊陳寶等共十五名解省訊據供稱同夥一十九人於三月二十六日從惠來靖海駕船出口二十七日在外洋搶奪魚船一隻換坐二十九日至甲子洋奪坐殼船一隻將魚船放回四月初三日刦福

建客船一隻搶銀一百二十兩衣服十餘件那客
人不知甚麼姓名因他船行駛甚遲放他去了仍
坐原船四月初八日到放雞洋面刼福建船船一
隻搶銀一百三十兩衣服二十餘件衆人就換坐
船船那客人也不知甚麼姓名十二日在下川尾
洋面刼福建客船一隻搶銀四百八十餘兩夏布
十二桶衣物百餘件衆人就換坐這大船就是如
今這黃永成的船十四日又刼福建客船一隻搶

銀七十餘兩衣物百餘件那時也不知客人姓名
如今纔知是陳長茂衆人仍坐原船於四月二十
九日夜駛回惠來溪登岸分散等情查各案俱未
據事主具報臣等訪聞密拏嗣據船戶陳長茂赴
瓊鎮稟報始喚到船戶黃永成一併質認其各犯
於四月初三初八劫過之福建客船既無事主具
報各犯堅供不知姓名現在移咨福建確查俟查
覆到日再行研訊至案內洋盜一十九人已將盜

首拏獲并獲夥盜共一十五人內許阿序一名下水淹斃尚有餘黨三人未獲現在勒緝另獲究擬并將各犯所供刼過不知姓名之客船移咨閩省確查其疎防各文武查明另叅外所有拏獲洋盜緣由謹先行奏

聞伏祈

聖鑒

臣

等謹合詞具

奏

據奏則朕日前所聞可謂不謬矣將疎防員弁查明嚴
叅毋得稍涉徇縱

雍正十二年十一月十二日廣東總督臣鄂彌達

謹

奏為恭報粵東秋成分數仰祈

聖鑒事竊照粵東地方仰荷

聖主福佑連歲豐登本年晚禾尤為茂盛倍於早稻茲
據布政使張渠彙報收成分數前來查廣南韶惠

潮肇高雷廉瓊等府羅定連州嘉應等州各所屬
收成俱有八九十分不等其米價自五錢以至九
錢五分不等此皆我

皇上勤恤民依感召

天和是以年登大有家給人足臣不勝歡忭之至謹將各
處秋成分數另繕清單恭呈

御覽外理合繕摺奏

聞謹

奏

以手加額欣慰覽焉皆緣卿等公忠體國惠澤逮民是以上感

天和屢賜豐稔朕嘉與之懷筆難悉諭果能念念不移斯志可保年年常應休徵勉之勉之通省文武大員將此諭咸令知之

雍正十二年十一月十二日廣東總督臣鄂彌達
謹

奏為請

旨事竊照本年九月十七十八等日惠潮地方偶被風雨隨經_臣等委員查勘田禾俱未成災所有查賑緣由現經會摺

奏報茲據潮惠運同張士璉稟稱潮州府屬之海山惠來浦東東界河東河西小江等場柵共飄失鹽一萬九千七百包零惠州府屬之南甯桂林海甲湖東淡水小晴等場柵共飄失鹽一萬六千四百

四十包零共算該帑本銀四千一百兩零伏思發帑收鹽顆粒俱闕課餉自應按數填補惟是各竈曬丁均係窮民若令賠償恐難措辦臣仰體

皇仁查有餘鹽羨餘銀兩可以抵補可否即將此項銀兩抵還帑本免其賠償之處臣未敢擅專據實

奏請伏祈

皇上特降俞旨施行謹

奏

應如是權宜辦理免其賠償然須明白曉諭不可以為
常例致起愚民覬覦非分之想

雍正十二年十二月十三日廣東總督臣鄂彌達

謹

奏為奏

聞事本年十一月內據潮州鎮臣范毓禔黃岡協副將

郝忠賢先後報稱福建平和縣地方有匪犯葉揚

聚集拜把圖謀不軌因伊母生日無戲隨搶莊十

總戲童三名日夜演唱并有漳州分防廳衙役黃
諧亦在其內經該廳將黃諧枷號詎葉楊糾黨持
械破枷搶犯逃入李仔坑該廳隨會同營員圍拏
獲犯賴枋并戲童三名暨葉楊妻眷三口葉楊又
逃入南靖縣翠微洞經漳州鎮差撥弁兵拏獲解
交漳州府訊據供開同夥二十五人陸續拏獲夥
黨黃苗張倬等八人尚有餘黨未獲等因稟報到
臣隨經批令該鎮協密諭汛地弁兵加謹巡防毋

得絲毫聲張如有匪類逃入粵境嚴行查拏去後
理合奏

聞伏祈

皇上睿鑒謹

奏

此等匪犯應無分疆界嚴督緝捕務獲

雍正十三年正月二十六日廣東總督

臣

鄂彌達

廣東巡撫

臣

楊永斌謹

奏為奏

聞請

旨事竊照粵東開墾一案從前廣肇二府承墾稅畝經

臣等陸續奏

聞并飭司行委各該鄰縣確勘結報在案臣等於上年

八月內經委糧驛道陶正中前往高雷廉三府會

同該道毛世榮督辦墾政并清查隱稅去後節據

報稱高雷廉等三府所屬共墾首荒熟田六十七

萬三千二百餘畝現在飭令核實結報照各該州縣原編科則分別陞輸外尚有合浦縣欽州二屬田共二十七萬二千一百餘畝已據各圖甲原業民人指地報承但查該州縣西連交趾南濱海島東北皆枕崇山舟車不通商販罕至居民種地餬口難以覓價完糧且各荒地俱係樹木叢雜墾闢既費工本辦賦亦多拮据近據民人聯呈籲懇請減原編科則之半限年陞輸疊經該道陶正中等

脩查情形具稟前來伏查合浦欽州二屬為天南
最僻之區生計窘窄實與他邑懸殊目今民情效
順各思務本三旬之內報首至二十七萬餘畝洵
屬遐方盛事而細民狃於小見望恩幸澤冀得輕
科可否俯順輿情量從輕減陞輸此實出自

天恩非_臣等所敢擅議如蒙

俞允_臣等即另疏具

題理合先行奏

聞請

旨謹

奏

百凡皆揆情度理因地制宜而為之何不可之有

雍正十三年二月十二日兩廣總督臣鄂彌達廣

東巡撫臣楊永斌謹

奏為恭謝

天恩事竊臣等保送原任廣東羅定州知州王植經部

臣帶領引

見奉

旨王植係革職之員希圖督撫保薦是以凡有差委之處
匪勉效力看來此人才具可用而其居心非屬端人
正士雖此時貌為廉幹將來得缺任用之後未必
不改操易轍貽累保舉之上司今鄂彌達既具摺力
薦竝請留粵委用著照所請命往廣東令該督撫留
心委用試看竝將此旨傳諭鄂彌達楊永斌知之欽

此仰見我

皇上澄叙官方之至意臣等跪讀之下不勝惶悚荷蒙聖恩高厚教導成全感懼滋深嗣後惟有凜遵

訓旨留心試看倘委用之後該員不思實心報效或有改操易轍之處臣等即嚴行糾叅斷不敢稍為姑容自貽罪戾謹具摺恭謝

天恩伏祈

睿鑒謹

奏

汝二人督撫粵東以來可謂循分盡職而已至於美善則未也其咎在瞻徇之私未除亟當猛省痛改毋涉因循然非極力振作另具達觀遠識不能擺脫積習也勉之戒之

兩廣總督臣鄂彌達謹

奏為奏

聞事竊照粵東仰荷

聖主福庇歲登大有上年兩次豐收已經臣奏

聞在案入春以來雨水優渥二麥豐茂早稻漸次栽蒔
將來豐稔可期米價自七錢至九錢七八分不等
地方甚是寧謐再粵東地處天南雖時際隆冬氣
候尚覺炎熱是以積年以來霜雪希逢本年正月
十三十四等日省會一方微降雪珠闔省軍民踴
躍歡呼咸謂從來僅見續據韶州府屬各邑暨南
雄府縣嘉應州屬竝連州以及惠州府屬之長寧

博羅縣各稟報本年正月十三四五六等日六出續
紛厚積數寸所屬士民額手歡欣俱稱目所未覩
臣查雪兆年豐他省亦稱美瑞況茲炎方普降洵
屬未有嘉祥此皆我

皇上至誠感召

天心默眷是以海隅大地覩此庥徵臣不敢壅於

上聞相應一併

奏報伏祈

皇上睿鑒謹

奏

粵東積雪至數寸實屬罕聞況得春雨接續麥稻均獲
滋植遙矚炎方曷勝慰悅

同日又

奏為敬陳管見仰祈

睿鑒事

臣接准部覆浙江按察司劉章條

奏一件內開嗣後窯廠製造

御用磁器書寫

國號其燒造尋常貨賣磁器不得擅寫致干褻慢其器
具字跡破損散軼者通行各省飭令地方官曉諭
鄉保敬謹檢拾務於潔淨處所收貯等因臣奉准
部咨隨即出示曉諭並通行該地方官一體欽遵
示諭外伏查六書尊嚴

國號煌煌字跡奚容輕褻該司議飭各地方官曉諭鄉
保敬謹檢拾收貯所

奏誠當惟磁器製造年號本以垂之永久俾萬世後

咸知

令後世知本朝之美器何如令後世知本朝之美政與

夫嘉言懿行可為模範於永久耶器皿等類不過一時

國家幅員廣濶

玩具奚關重輕堯舜之世茅茨土階飯簋飲銅未聞有

聖德覃敷兩間精華之氣因物斯呈是以磁器精良較

稀奇之物流傳於後世也據云駕軼往代朕則以為今

不及古正尤稱駕軼今各洋外域梯山航海爭相購買

良耳與年號書否何涉劉章請禁擅寫於前汝復奏請

正宜製以年號俾中國之器流通廣播立令遐方

異地均識

製造於後發號施令宜宜敷敷更張所見西矣
天朝美製卓越尋常況錢文傳布與他物製造年號者

甚多總以昭示臣民彰一統無外之規今該司恐

零星破磁非止為此也落於污穢之地因有是

奏尚未周知磁器流通之廣遠臣思

國家體統攸關可謂自道其實不應逐末遺本緣不揣冒昧妄獻芻

新舊

堯請嗣後磁器零落有字跡者仍飭地方官曉諭相仍破損無已收貯者將不勝其繁加謹檢拾收貯外其於窯戶燒造貨賣器具仍聽

照舊製造年號以垂久遠是否有當伏祈

皇上睿鑒施行謹

奏

詳細批諭矣汝其審思之

雍正十三年三月十五日兩廣總督

臣

鄂彌達廣

東巡撫

臣

楊永斌謹

奏為遵

旨奏覆事本年二月二十七日内閣寄到雍正十三年正月二十三日因有人條陳禁止粵東開礦一事

欽奉

上諭一道遵

旨寄信到

臣等

臣等跪讀之下仰見我

皇上睿慮周詳

訓誨肫切不禁感激涕零伏念

臣

等庸材陋質叨蒙

聖主隆恩畀以海疆重寄凡已身陳

奏事件如有未妥協處自應於

聖明之前據實陳明焉敢回護瞻顧自蹈負

恩貽誤之咎竊查粵東惠潮韶肇等府礦產甚多原係天生自然之利與其封禁使無知貧民偷窆而罹於法毋寧竟行開採明予以資生之路且工商俱用本地可無易聚難散之虞食口竝不加增又無人滿糧貴之患實於地方有利無害臣等是以奏請開採自蒙

聖恩俞允臣等即遴委能員會同各該地方官將屬內有礦山場確勘煎試示召本省殷商取具地方官

印結令其自備資本前往開採其需用人夫工丁
飭令各州縣查出樸實窮民取具甲隣戶首保結
開明住址備造清冊移送管理之員如有面生可
疑之人潛匿在山者即行拏究并於附近廠地之
村莊飭令各保甲嚴行稽察如有外來之人歇宿
務須根究毋得容留匪人潛行窺探地方文武以
及委理之員稍有疎忽即行叅處如此立法嚴密
將來礦旺人多固不虞其滋事即礦竭之時此項

人夫工丁原有姓名住址可稽仍可令地方官按冊著令原保之甲隣戶首領回照舊安插臣等於未經陳

奏之先已再三籌畫實無難散之虞茲據條陳內稱康熙三十七八年間督撫

奏請開採而各處道路村莊因受剗掠之害至康熙五十一年餘孽仍復猖獗剗掠英德翁源曲江等處名為山賊實係礦徒等語臣等檢查原卷康熙

五十一年行刼英德縣民鍾上位等家係鐵爐傳
煽工丁關鳳生等夥同行刼竝非礦徒餘孽至所
稱翁源曲江二縣五十一年竝無盜案可稽且查
康熙三十七八年間開礦至五十一年已十有餘
載封礦既久如何尚有礦徒聚集據云礦徒亦不
過數十餘人粵東文武官弁竝兵丁數萬所司何
事如何竟任其猖獗至十有餘年不息又條陳內
稱入山傭工者即係無賴之窮民今礦山一開則

無賴姦徒號召雲集誠恐將來滋事等語臣等查盜賊多屬游手好閒焉肯傭工開礦至於礦徒雖不能保其全係良民但其中傭工受值者多游手好閒者少且窮民入山傭工既得生計尚恐其為無賴而滋事如竝不與以資生之路豈反能保其不滋事乎又條陳內稱粵東一年所收之穀不足供本省半年之食第查粵省雖屬山多田少若無旱澇所產米糧亦可敷一年之食再藉西穀即能

充裕是以_臣等

奏請建倉貯穀無非為充裕民食預備荒歉之計今乃云不足半年民食未免言之太過又條陳內稱鼓鑄之事小_臣等請開礦鼓鑄原非專為

國家經費起見祇因天地所產金銀有數民計艱難今將銅鉛鼓鑄使官鑄流通於各省而山場所出皆成有用之金銀粵東百姓增出金銀無數自然家給人足於

國計民生均有裨益似非細事但查礦山既開將來各場需用人夫工丁以及買賣食物人等口角爭鬪之事固所不免倘或傳聞附會借此以實其言臣等將何辭以自解況即不開採道省盜案亦不能保其必無設將來一有盜案事發盡歸罪於開採臣等身家性命固不足惜即粉骨碎身究無補於地方窮民且深負我

皇上矜全之隆恩臣等再三籌議停止開採實屬安靜

且恭繹

聖諭數年以來粵東年穀順成米價平減盜賊漸少地方寧謐為大吏者當以靜鎮處之不當引之於動大哉

皇言誠帝王治世安邦之至理千載不易之良謨_臣等不勝感激之至查粵東開採之事奉行未久惟惠州府屬已開三四處在廠人夫不過一二千人辦理少有頭緒其餘各府現在查辦尚未開採停止

甚易似應懇

聖恩將開採之事

敕部暫行停止理合遵

旨據實陳明伏祈

皇上恩鑒施行_臣等謹

奏

停止開採甚是地方一切事務自當以久遠寧帖永無
後患始為盡善有旨諭部矣

兩廣總督臣鄂彌達廣東提督臣張溥謹

奏為

奏覆事雍正十三年正月內右翼鎮臣李惟揚錄送

奏摺一件內稱中營遊擊楊琳惑於堪輿嫌中營衙

門不利圖換右營衙署經詳護理鎮臣王濤批允

移住迨右營遊擊王臣到任不肯更換通詳督提

楊琳仍移原署自此竟成嫌隙王臣見楊琳結交

人衆借稱熟諳水性請調水師以避楊琳及臣回

任當面嚴飭化導二人究不能相洽誠恐貽誤營伍等因奉

硃批言之督提欽此查右翼中右二營更換衙署一案緣中營衙署在韶州東門逼近河干該營公庫存貯官兵俸餉楊琳因右營衙門枕近鎮署周防愼密是以具詳更換經護鎮臣批允續於上年三月內王臣莅任以營署不便紛更具詳隨據楊琳稟稱右營既稱不願情甘移讓以協同寅臣又經批

布政司會同右翼鎮查議隨經該司該鎮以楊琳業經移讓具覆當即檄飭各居原署在案事歷經年已無異說至王臣請調水師據稱四渡重洋熟習船務願就所長以圖報稱臣等以水陸均為皇上效力亦經會議俟有水師缺出

題請調補在案今鎮臣李惟揚乃又以二弁不能相容陳

奏竊思該弁等如果挾隙誤公有玷官箴該鎮即應

據實揭叅若云該弁等才尚可用而人地實不相

李惟宜又何妨向臣等商酌調換今乃以已結陳案瑣

瀆

瑣瀆冒昧而需嗔怪辭色以阻朕之聽聞素所厭者或

聖聰甚屬冒昧除現在確查該弁等果否互相傾軋有

自家私事越分妄干或浮泛虛文連篇累牘及或謬為

無貽誤臣等另行酌量辦理外謹會摺

公論而內藏詐偽等類耳知之

奏覆伏乞

皇上睿鑒謹

奏

覽

雍正十三年四月初六日兩廣總督臣鄂彌達謹

奏為恭報二麥豐收米價平減仰慰

聖懷事竊照粵東今春瑞雪繽紛雨水霑足經臣將二麥秀茂早禾插種情形奏

聞在案今據各屬申報二月以來風雨調和二麥豐收俱有十分九分近日米價平賤廣南韶肇惠潮各府嘉應一州上米每石價銀自八九錢至一兩四

五分不等中米每石自七錢五六分至八錢八九分不等次米每石自六錢六七分至七錢八九分不等高雷廉瓊四府羅連二州上米每石自七錢七八分至八錢五六分不等臣隨於三月二十七日自廣赴肇見各處田畝土膏滋潤禾苗暢茂徧詢老農據稱秧苗甚是壯盛現在陸續插蒔民情欣悅臣覩此民安物阜之象不勝慶幸除廣西各屬俟查報到日另摺奏

聞外理合繕摺

奏報伏祈

皇上睿鑒謹

奏

覽

今春普蒙

上天惠澤直隸以及各省雨水咸屬均調誠可謂大幸也

兩廣總督_臣鄂彌達廣東巡撫_臣楊永斌謹

奏為

奏覆事本年三月二十三日內閣寄到雍正十三年

二月十九日奉

上諭前朕訪聞龍為霖劣蹟種種諭知鄂彌達等伊等
始行題叅今日覽鄂彌達等續叅龍為霖失察吏胥
偷盜庫銀一本看來似覺有心示以嚴厲毫不徇情
者伊等有假此一案便於將來審訊各案時徇情庇
護景象爾等可寄字密諭伊等倘審訊稍有回護瞻

徇不公之處經朕訪聞決不寬貸欽此遵

旨寄信到

臣等

臣

等跪讀之下不勝悚惶竊查潮州府

廣濟橋商稅該叅守龍為霖自到任接收以來歷
年侵欺之銀甚多臣等不早覺察至上年九月內
始訪查得實又蒙

皇上矜憐

臣

等愚昧

特命大學士等寄信

諭知將龍為霖特疏

題叅是從前失察之咎已無可逭臣等尚恐所叅之外別有欺隱隨密飭署府鹽運同知張士璉細加查察續據張士璉揭報該叅守失察胥吏吳應隆偷盜庫銀五千兩等因由司轉揭前來臣等據揭續叅以冀稍贖前愆何敢陽示嚴厲陰圖庇護自蹈欺

君罔

上之罪且臣等身受

聖主天高地厚之恩寧不思竭蹶圖報翻欲開脫貪官

墨吏既經失察於前又復徇庇於後臣等具有人因從前竟有意外之人心故今茲乃有逆料之戒諭耳心焉忍狂詐至此今蒙

皇上訓示諄諄益當秉公嚴審斷不敢一毫涉私上干國法除另行審擬具

題外理合繕摺

奏覆伏祈

皇上睿鑒謹

奏

覽

同日又

奏為奏

聞事雍正十三年二月十二日據護理高州總兵印務
督標中營副將王濤稟稱上年十二月二十日風
聞有吳川縣蔡日升客船在彭城港外陡遇賊船
一隻劫去錢物等項又聞有木槓賊船飄泊於潭

州海面捉拏魚船之人代運贓錢進口等因稟報
到_臣等隨即飛檄高州府文武各官分頭嚴緝前
項船賊務獲解究一面照行高州鎮按察司確查
被劫實情開列文武疎防各職名照例詳叅去後
茲於三月二十四日據該護鎮王濤及吳川縣知
縣章國錄各稟報陸續拏獲行劫蔡日升客船盜
犯李捷倫等四名到案傳同事主面質訊據李捷
倫等僉供小的們俱係吳川縣人於上年十二月

初八日搭了化州洪亞三漁船出海舵工林帝佐
係海南僱工無住址洪亞三之僕洪亞生住化州
界上篙手李亞花蘇茂俱茂名縣人一共九人至
二十日被風飄到安南江坪老鼠山地方灣船遙
對彭城見同駐蔡日升客船內多錢物一時起意
過去搶奪回船駛至濶州海面不識路徑捉拏漁
船上人要他指引隨即放去後來各人分搭小船
散踪等語又據續獲蘇茂到縣訊供與李捷倫等

所供相同等因稟報前來臣等除飛檄按址勒拏
供黨并失察官員擬議另行

題報外事關捕獲洋盜理合據實奏

聞伏祈

皇上睿鑒謹

奏

肅靖海疆固在嚴緝盜匪撫綏內地又在勤察貪員是
乃為政之本也勉之

同日又

奏為奏

聞事查副都統

臣

毛克明近因患病脾泄精力微弱辦

事雖無遺誤

臣

等看其精力甚覺勉強支持若不

靜攝數月恐遽難全愈副都統毛克明雖有操兵

管關之責然尚有將軍右翼副都統竝副監督諸

事尚不致遺誤

臣

等仰體

皇上愛恤臣工之至意理合據實奏

聞謹

奏

命伊暫停辦事靜攝數月朕已遣醫往治行將至矣

雍正十三年閏四月初九日兩廣總督

臣鄂彌達

謹

奏為請

旨事竊

臣仰荷

聖恩節制廣西任事以來考驗西省將備千把弓馬平

常者居多及隨時察詢邊防營制間有應行變通斟酌之處因未親身閱歷無由熟悉周知未敢輕為置議致滋日後紛更今准廣西提臣霍昇鈔送奏摺以柳州城守營兵少差繁無暇訓練技藝生疎人亦罷憊請於提標中營內抽兵一百二十名添入城守營以便輪班更替按期操演等因欽奉

硃批與

臣

商酌意見若同具題奏請欽此

臣

查同城抽

撥雖兵無增減但廣西通省標營或有似此應行

酌改之處亦未可定且將弁弓馬考驗尚屬平常則兵丁技藝生疎罷憊者當不止柳州城守一營為然兵防最關緊要整飭務宜嚴密況柳州接壤古州現今蠢苗尚未帖服若非親身查察不能措置得宜第恐目下巡行不無張惶耳目臣擬於七八月間親赴西省將沿邊內境詳加查看標營兵制逐一考核如有應行相險設防酌量抽調更改之處容臣會同廣西撫提諸臣確商妥議一并

奏請

訓示庶幾邊方營制無更換之煩而通省軍容收整飭

之效矣除將提臣摺

奏情節咨明查照俟

臣

到西省後另行會商覆

奏外理合具摺請

旨伏候

聖訓遵行謹

奏

巡歷粵西目下且止霍昇抽撥之奏尚屬可行會疏題請候旨定奪

同日又

奏為恭謝

聖訓事竊

臣

前因部覆浙江按察司劉章條

奏尋常磁器不得擅寫年號一案

臣

以年號係

國家體制信令傳後中外咸尊所關甚巨應請照舊

一體書寫製造俾萬世群相寶貴等情冒陳

天聽荷蒙

皇上硃批美器何如美政之足為天下後世法大哉

王言周詳指示堯舜之世未聞珍玩流傳

聖明之朝自有聲名洋溢臣止知器物因年號而尊重

所見猶為淺小蒙

皇上逐一訓諭不但自愧管窺蠡測不足仰贊

高深於萬一實聞臣之茅塞長臣之識見所有感激微

忱理合

奏謝謹

奏

大抵淺小之謂諸臣率不能免

兩廣總督

臣

鄂彌達廣東巡撫

臣

楊永斌謹

奏為恭謝

聖訓事竊

臣

等前因保送原任廣東羅定州知州王植

赴部引

見欽奉

諭旨留心委用試看隨經恭摺

奏謝復奉

硃批_臣等跪讀之下感激悚惶莫可言喻伏念知人自古為難保送務求公當祇因人才難得見有片長足錄者不忍令其棄置是以往往冒瀆

聖聰其實_臣等無知人之明何敢懷私心而稍存瞻顧之念況受

恩深重又何敢為人而自干濫舉之咎今蒙

聖諭諄切惟有銘心鏤骨時時猛省益秉公忠以仰副
皇上諄諄訓勉之隆恩謹此具摺恭

謝伏祈

聖鑒謹

奏

難事也莫易視之以鄂爾泰之明達尚不免因此受累
況其餘者乎若信不及看不透日後必致悔吝之萌不
可不知也

雍正十三年閏四月二十一日兩廣總督臣鄂彌

達謹

奏為奏

聞事竊照黔省古州與廣西柳州緊相接壤自逆苗聚

衆為匪

臣

即密札撫

臣

金鉷提

臣

霍昇簡選將弁

練習兵馬預備軍糧器械聽候調遣需用竝密飭

沿邊文武加謹防範不時確探信息飛報在案閏

四月十六日接准撫

臣

金鉷來咨內稱提督霍昇

於閏四月初八日准古州鎮咨調西省官兵二千
名星往古州應援提臣霍昇即派提標暨各營兵
共二千名交右營遊擊楊剛前營遊擊李正國協
同統領悉聽古州鎮調遣等因臣查提臣撥兵二
千僅有遊擊等微員統率前往則各營兵力勢必
不齊且以粵兵而聽古州鎮調撥更恐呼應不靈
必得總統大員相機調度方能無誤隨查左江鎮

臣王無黨向在古州出師著有勞績熟諳苗寨情

形

臣

即飛檄專委該鎮總統粵兵會合古州鎮詳

悉商酌會同勦捕去後茲於閏四月十七日據古

州鎮

臣

韓勲呈稱古州苗衆本鎮現在相機勦撫

復有臺拱清江等處苗人妖言誑結羣起跳梁抗

拒官兵蔓延鎮遠府縣內地多被侵陷燒劫又有

八寨苗人亦被煽誘敢於攻犯汛防如此肆行猖

獗必當大加痛勦提督現在鎮遠施秉一帶指麾

佈置古州一鎮乃新疆總隘根本之區兩省胥齒

重地關係匪輕合亟呈請調撥官兵星馳應援均
懇勿致遲滯等因并准提臣霍昇飛咨前來臣思
逆苗肆橫聲息相通最易勾連蠢動黔省提鎮分
頭勦捕兵勢單少立待應援而西省沿邊猺獞雜
處竊慮聞風滋事彈壓不可不嚴今提臣撥兵二
千之外細籌接壤各營以及梧州等協存兵皆不
過百餘名又不便再行多調且古州八寨上江等
處在在告警粵兵雖有二千仍恐不敷調遣萬一

再需兵力臨時無可策應臣再四籌度隣疆一體
何敢坐視伏查廣東額兵頗多平時操練已稍可
觀軍裝齊備器械鋒利

國恩豢養有年各兵俱願奮勇出力以之調遣實能
用命且廣東一水之地十二三日即到柳州再十
餘日便可直抵黎平道路不為遙遠當此隣省緊
急軍機西省邊防尤重臣有援勦之責若待請

旨策應誠恐有誤機宜是以不敢拘泥成例隨密商廣

東撫

臣

楊永斌提

臣

張溥即撥

臣

標兵一千名委

中軍副將王濤統領守備二員千把十員於閏四

月二十一日由水路前往古州飭令會同左江古

州二鎮統聽貴州提

臣

哈元生相機調度一面飛

咨廣西撫

臣

金鉷於黔粵交界之石碑沈口等要

隘汛地先撥撫標兵五百名控扼堵禦再撥東提

標兵一千名委中軍叅將任龍為總領守備千把

俱照

臣

督標派撥之數隨後進發統聽古州左江

二鎮會同調撥合計東西兩省之兵共有四千聲
威既壯調遣可以裕如而粵省沿邊交界又有西
撫標兵彈壓苗獠知所畏懼自當帖伏寧謐或黔
省再需兵力即將西撫標堵禦之兵亦聽貴州提
臣就近一并調遣臣現在各路安設馬塘一有緊
急調兵之處再於東省附近各營星飛遣撥隨後
接應庶為有備無患而醜苗癰疥之疾自可不日
掃除矣至西省二千之兵撫臣金鉞已借支三箇

卷一百十五之四
月糧餉委員監紀散給東省標兵二千亦預借四箇月糧餉按名散給竝咨會撫臣金鉷再委大員督運兵糧以資接濟外其餘一應軍裝器藥船隻等項亦俱辦理無誤理合一并奏

聞是否有當恭請

皇上訓示謹

奏

撥兵援剿之舉深合機宜一切處慎重辦理更防姦匪

乘隙煽惑人心不時留意密加察訪毋忽

雍正十三年六月十三日兩廣總督

臣

鄂彌達謹

奏為恭報早稻收成分數并米糧價值事竊粵東地

方本年自入夏以來雨水霑足早稻秀實至五月

中旬俱已陸續刈獲先經

臣

通飭各屬將實在收

成分數據實查報去後茲據司道府州縣先後申

報前來

臣

查廣州南雄等十府羅定等三州各所

屬俱有十分九分收成其八分收成者僅十餘縣

卷一百十五之四
而七分收成者惟三水縣一處至道省米價每石
自六錢起至一兩不等今新米上市價值日平現
在地方寧謐人民安業此皆我

皇上念切民依精誠感召是以邊海蒼生咸歌樂利
不勝歡忭之至理合繕摺奏

臣

聞上慰

聖懷伏祈

睿鑒謹

奏

粵東早稻收成米價平減各情形欣悅覽之若非卿等
忠誠任事除暴安良懲貪獎廉有以舒暢兵民之心志
何能有此感召目覩庶徵類應速如影響而不倍加寅
畏時時自省可乎勉之

兩廣總督

臣

鄂彌達廣東巡撫

臣

楊永斌謹

奏為奏

聞事竊查粵東地方本年雨水霑足早稻豐收臣等現

已另摺具

奏外惟五月初旬陸續據廣州府屬之番禺從化增城花縣各稟報於閏四月十七八九等日風雨連綿凡港汊紆折窄隘之處疏洩不及其低窪處所民間草茅房屋間有被浸倒壞營房墩臺等項亦間有坍塌等情又據惠州府屬之海豐縣稟報本年五月初五日風雨大作民房舖店亦有倒壞等情各稟報到_臣等隨即飛飭布政司動存公銀兩

委員帶往會同各該地方官確查被水情形給銀賑恤毋令失所去後隨據各委員查勘覆稱被水各屬一縣之中不過一二處緣大雨之後山潦陡發以致壅溢未及一日旋即消退內番禺之江村花縣之羅漢塘增城之楊梅金牛綏寧各都海豐之大液小液等邨田禾間有被水衝浸畧減分數其餘並未成災從化縣田禾並無傷損又海豐縣歷斃人民二口花縣衝陷圍基二十餘丈其餘人

口圍基俱無損壞至民間茅篷竹壁及上築牆垣
被水浸倒者現在分別按戶實給撫恤通共支發
銀一千八百八十餘兩即令築復居住俱已得所
各等由前來臣等復思此等被水民人雖經加意
賑恤但築復廬舍恐不無飯食之需隨又飭令各
該縣將糴三穀石於平價之外再行酌減三四分
令被水之民赴買如貧難小戶艱於買穀者即將
本鄉存貯社穀酌借冬成償還免其加息務令均

需實惠已各得所再連州地方亦據報有風雨傾
圯城垣并營房數處又龍門縣亦報傾圯營房數
處但人口田禾俱各無傷倒壞民房亦俱無幾業
據該州縣報稱已經查明捐賑得所毋庸再行賑
恤等因臣等復經確查無異除將各處營房墩臺
等項以及連州城垣飭令勘估酌動公項作速修
葺完固以資防禦外所有各縣偶經水潦情形臣
等誠恐有塵

聖懷理合將已經詳慎辦理緣由據實奏

聞伏祈

皇上睿鑒謹

奏

粵省雨水雍溢之患亦時有然為民上者當思一夫
不獲猶已溺已飢務須實力撫恤俾各安生業始可以
告無過也

今批諭旨卷二百十五之四